

FIRIPAI

Khe Por Firipain Ndi Khergi Gap Kha fharav ganinga buni khare.

Por kem ndigap, mbasiga thugap, muen nderen hav, ana fharav vov, Urop fhain phorgap, ana vov, fharav Zisas Kraisan buna vhuuen bun Masedonia fhain Firipai ngu bakimen ki gumgi gu mbigi ga suangi. Farasarigi Gumgi 16.8 kegip gani ngip 15 thigiri. Ana zumgum vov, harigi ngu bakimen vugim, mbe ana ndim bina khingi. Por binan kav mbararagim, gumgi mbari zav, Firipain guigira Zisas kothigi gumgi gu mbigi, mbe guigira Zisas kothigi ndikndik, mbe ana ngav mben ndikndigir farfagi. Nza ntigem, Por kha Firipain ndi mbarigi gava ganinga, nza Por mba bigi mbararagiap, ne nzuav ndav simgi kama thuen gangirga tuktigi fhuvara. Zakira fhuvara! Ana guigira Zisas kothigap, ana maan muongiap ndikndigi.

Por fhum guigira nkia gu bigi ga sosuagim, mba guigira Zisas kothigi gumgi gu mbigi, mbe Firipain ki, mbe ana kurkurar zav nkia gu bigi ndi mbarigi. Maan muongiap, kha gavar Por Firipain ndikndigap mbe nzuai. Ana vhora mbe guigira Zisas kothigi ndikndik havharav mbe nzuai. Ana vhora khuen rivgi, mbe ana binan ki ne suany ndikndigi vhirver muony, singirga.

Por Fhe Bakime fhura mbe ningi bigina bakime, ana ana nzuai. Mba bigin, ana zazera mbara muongiap ki binbin, mbe Krai Zisas han ana

ndigi. Ana khaŋ mbe nzuai, mbe Zudain tivi zin vuav mba bigina ndigi fhuvara. Zakira fhuvara! Mbe Zisasra kothigap mba bigina ndigi. Por khaŋ vuzvugi, mbe Firipain mbe Krai mbui tivara muunri. Krai kha ndikndiga wo muunji fhuvara, “Gu guma bakime ma.” Ana mba ndikndiga mbuav, ana wo vuzvuga zin vugi fhuvara. Zakira fhuvara! Ana guigira wo mbevav, Fhe Bakime ana niingi naar, ana mba naara mbui. Por khaŋ nzuai, Krai phorgi gumgi gu mbigi, mbe Fhe Bakimen ndava mitiga ndiav, mbe guigira ndikndigi.

Nza kha gava garav nza kaŋgi, Por guigira mba Firipai siosa vhen ki gumgi gu mbigi, ana guigira mbe vuzvugi.

Mbe Firipain, mbe guigira khurkhuma vhuun Por khuigim, Por guigira ne nzuav ndikndiga mbatiga mbui.

¹ Gu Por, ŋka Timoti gum, ŋka Krai Zيسان naara gumani, ŋka kha gava khergiap, nde guigira Krai Zisas kothigi gumgi gu mbigi, nde Firipai ŋgu bakimen ki. Ŋka kha gava khergiap za nde ndi mbav, vhira nden sios gari gumgir pani gum nden siosan ngari naara gumgi, ŋka anan nde ndi mbai.

² Nza Ndia Fhe Bakime gum nza Bakime Zisas Krai, mani fhura nden korar muunv, ndava mitigar nden niinrim, nde kiri.

Por Fhe Bakimen ndikndigi.

³ Gu zazera tugi tugiratigap nde ndikndigap, nde nzuav wo Fhe Bakime phorga nzuav anan ndikndigi.

⁴ Gu nden kurkurar zav Fhe Bakime phorga nzuav, gu zazera ndikndigap ana phorga nzuai.

⁵ Gu nden ndikndigi, ne khañ muunji, nde mba fharigi raar, nde khurkhuma vhuun na khuav Zيسان buna vhuueñ bun nzuai.

⁶ Gu khueñ kañgi, Fhe Bakime nduara fharav taagia nde ndi ñaara khavgi, nde ana mbui. Ana mbara muunji, nde phorgip ñgariv kirim, Krais Zيسان taagi zirirga tuk higirga, ana mba ñaara vhezirga.

⁷ Nde nan gori ma. Mañ muunjiap, gu nzerara kha ndikndiga vhuun nden ki. Gu binan ki o, gu Zيسان buna vhuueñ kurkurav ne havhari, nde za na khuav, mba Fhe Bakime na kora muunjiap na niñgi ñaara mbui.

⁸ Fhe Bakime khueñ kañgi, Kraisan korar muumbar na ndava vhee muunjim, gu za nde ganinga vuzvuk bakime ki.

⁹ Gu zazera Fhe Bakime phorga nzuav, gu khañ nzuai, nde guigira wari wo ndavir harigi ntiri ga ndii tiv, ana khañ tigip havhargip nden kirim, nde bigi guari kañgi ndikndigi vhuuñ kiv, nde guigira tuituigip bigi kañgirga.

¹⁰ Mañ muunji, nde tuituigip bigi kañji, nta heev, nde tivir vhuuñ guarira ndigip, nta zin ñgirga. Mañ muunji, Krais za kha nuianan

1:3 Ro 1.8; 1 Ko 1.4; Ef 1.15-16 **1:6** Zo 6.29; 1 Ko 1.8; Fi 1.10; 2.13;
 1 Te 1.3 **1:8** Ro 1.9; 2 Ko 1.23 **1:9** 1 Te 3.12; Fm 1.6 **1:10** Ro
 12.2; Ef 5.10; Fi 1.6; 2.16; 1 Te 3.13; Hi 5.14

ki gumgi gu mbigi muunji tivi mbatigi ga suanjv mbe suanga tugar, nde ana niman njaravra kiv, nde bigin thuenj suanjv simtik kirga fhu.

¹¹ Zisas Kraiss mbui tivir vhuuin, nta guigira nden kirga. Mba gumgi gu mbigi mba tivi ganiv, mbe zi bakimen Fhe Bakimen ninjv, ana zi ndiv vun kuamkuarga.

Por binan ki, ne Zيسان buna vhuuen kurigi.

¹² Nde na phorgap guigira Zisas kothigi gumgi, gu nde kha nan higi bigen kangirgane vuzvugi. Ne Zيسان buna vhuuen bun suangenj thivigi fhuvara. Zakira fhuvara! Ne Zيسان buna vhuuen ga muunjim, ne khanj tiga havhargim, gumgi gu mbigi vhirve guigira Zisas kothigi.

¹³ Maanj muunjiap, mba Sissar phena gari gitiivi zam, mba harigi gumgi, mbe za na kanji. Gu Kraissan njaara mbui ne nzuav binan ki.

¹⁴ Na phorgap guigira Zisas kothigi gumgi vhirve, mbe gu binan kim, mbe na ndikndigi. Mba ndikndik mbe ndavi havhargim, mbe khanj tigap havhargiap Guma Bakime kothigi. Mba tiv, mben havhargim, mbe riviv thav, mbe Fhe Bakimen buna vhuuenj bun nzuai.

¹⁵ Mbe mbari garim, gumgi mbari guigira zi bakimen na ndim, mbe ne nzuav na ndav shigap, mbe nan njaara mbeviv zav, mbe nera nzuav, mbe Kraissan buna vhuuenj bun nzuai. Mbe mbari, mbe ndikndiga vhuun kav, mbe Kraissan buna vhuuenj bun nzuai.

¹⁶ Mba gumgi, mbe na kanji. Gu Zيسان buna vhuuenj bun nzuaine havhariv zav, gu binej rigi.

Mbe maan muungiap, guigira wari won ndavi ndi nningiap, mbe Kraisan buna vhuuej bun nzuai.

¹⁷ Mbe gumgi mbari, mbe nduarira zi bakime ndir zav, mbe Kraisan buna vhuuej bun nzuai. Mbe ndikndigi vhuuij kav, maan mbui fhuvara. Zakira fhuvara! Mbe gu binan kim, mbe simtigi thari phorgip nan nin zav maan mbui.

¹⁸ Ne nzerara. Mbe ndikndigi vhuuij ki o, mbe ndikndigi mbatigi, mba gumgi, mbe za Kraisan buna vhuuej bun nzuai. Mbe maan mbuim, na ndava vhee guigira ndikndigi.

Por kha ndikndiga mbui, ana nam kiv, ana Firipain kurkurarga.

¹⁹ Ahan, gu mbara muungip ndikndigip kirga. Ne khan muungi. Gu kangi, nde zazera nan kurkurar zav na nzuav Fhe Bakime phorga nzuaim, Zisas Kraisan Nina havharar na ndii. Fhe Bakime mba tuavara nan kurarim, gu bina thav kirar higip bikbigirga.

²⁰ Maan muungiap, nan vuzvuga guar, gu vhira khuej kothigi, gu bigina mbatik thuej muungip nen memira ndirga. Gu kha ndikndiga mbui, ntigem gum zungum vhira, gu guigira thigi havhargip, gu mba zazera mbui tivir muunv, tivir vhuuijra muunga. Gu maan muungip nam kirga o, gu rimgirga, gu zazera zi bakimen Kraisa nninga.

²¹ Na ndikndik khan muungi. Gu maan muungiap nam ki, Krai na vhen kav, biinjbin na ndiim, gu Kraisan naara mbui. Gu maan muungip rimgirga, ne guigira bigina vhuuj guarejra.

22 Gu maan muungip namra kirga, gu gumgi gu mbigi vhirvera kurkurarga. Gu mben kurkurar sanv, gu maangi tuav zin ngirie? Gu kangi fhu.

23 Gu ndikndiga phuniaŋ mbui. Gu guigira ngip, Kraiŋ han kirgen vuzvugi. Gu maan muungirga ne guigira nzerarga.

24 Gu kha nuianan ki, ne guigira nzerigi.

25 Gu khueŋ khotigi ndikndik havhargi, gu nden kurkurarga naar khar ki. Gu maan muungiap kangi, gu kirga, gu za nde phorgip ngariv, nden kurkurarim, nde khaŋ tigip havhargip Kraiŋ khotigip ndikndigirga.

26 Maan muungip, gu taagip nde han zigirga, nde ne nzuav Zisasan ndikndigip, ana zi ndi vun kuamkuarga.

Fhe Bakime tivar vhuun Firipaiŋ ga mbuav, fhura mbe garim, mbe simtigi ndi.

27 Bigina bakime khaŋ muungip. Nden ruru tivi gu bigi nzerara kiv, nde Kraiŋsan buna vhuueŋ zin ngiri. Maan muungip, gu ziv, nde ganinga o, gu khar kiv, nden kameŋra mbarararga, gu kangi, nde thiga havhargiap, nde ndava bavira kav, ndikndik bavira kav, nde wari tigap ngarav, Zisas buna vhuueŋ khotivir zav gumgi gu mbigi ndikndigi khavi.

28 Nden pana gumgi rivivar nden niungirga tuktigi fhuvara. Mbe nde ganinga, nde rivi fhu, mbe khueŋ kangirga, mbe fhura fhigi regirga. Fhe Bakime nduara nden muungirim, nde nzerara kirga.

29 Nde mbarara. Fhe Bakime tivar vhuuŋra nde

muunɗiɗa, ana fhura nde garim, nde Kraisan ɗaara mbui. Ana fhura nde garim, nde fhura guigira Krai khotiɗi fhuvara. Zakiira fhuvara! Ana vɗira fhura nde ganirim, nde ana zin panan zaagi ndirga.

³⁰ Nde fhum na garim, gu ntarar kav, gu mba ntara mbui. Nde ntigem na mbararagi, gu mba ntarara ki. Nde vɗira na phorgap mba zaagi ndi. Ne khaɗ muunɗi, nde vɗira na phorgap mba ntara mbui.

2

Nza wari tiɗiɗa ndava bavira kiɗ, tiɗir vhuuɗi warir muunga.

¹ Krai nden ndavi havhari. Ana guigira wo ndavar nde niɗiɗa, ndava miɗiɗa nde ndiim, nde ki. Nde vɗira Fhe Bakimen Niina Naara kiri tiɗir ki. Nde vɗira tiɗara vhuun wari ga mbuav wari kora mbui.

² Krai maan nden muunɗim, nde ndava bavira kirim, gu guigira ndikndigirga. Nde za ndikndik bavira suirav, tiɗa bavira zin ɗiɗiɗa nde guigira wari won ndavir warir niɗigiri. Nde guigira wari tiɗiɗa ndava bavira kiri.

³ Nde warira ndikndigirga, zi bakimen warira niɗi thari. Fhuvara. Nde wari mbevav, kha ndikndigar warir muunɗi, mben tiɗi nden tiɗi kamarigi.

⁴ Nde wari wo bigira gani thari. Fhuvara. Nde bevbevira, nde za wari wo bigi ganiɗ, warir kurkurari.

Krais, ana wo mbevigim, Fhe Bakime ana suirav, ana vun fegi.

⁵ Nde Krais Zisas suirigi ndikndigara suirari.

⁶ Ana Fhe Baki guar ma. Ana ne ndikndigap, ana Fhe Baki guar ki tiva muungiap ki fhuvara. Zakira fhuvara!

⁷ Ana wo vuzvugara mba tiva thav, ana fhura njaara guma khin ki. Ana guma guara fara muungiap ki.

⁸ Kha gungi ana garim, ana guma guara gegap ki. Ana kav, ana guigira wo mbevav, ana Fhe Bakime nzuai buni zin vov kav, ana vhora Fhe Bakime vuzvuga zin vov, rimgi. Ahan, ana mbara muungiap, ana vuzvuga zin vov, kav, mbe ana ndim, khanararen ga ntorgim, ana rimgi.

⁹ Mba bigina nienra nzuav, Fhe Bakime ana suirav, ana vun feгим, ana guigira vu guarara ki. Ana zi mben ana ningi, mba zi ana guigira mba harigi ziri kamarigi.

¹⁰ Fhe Bakime maan muungiap mba zi bakime Zisas ga ningim, mba Hevenan ki bigi, gu nuianan ki bigi, nuiana piin ki bigi, nta zam, ana niman thivi phiriv, ana piin kirga.

¹¹ Nta zam, ana bun suanjv khan suanga, “Zisas Krais, ana Guma Bakime ma.” Mbe mba tivar muunjv, mbe zi bakimen nzan Ndia Fhe Bakimen ninga.

2:5 Mt 11.29; Zo 13.15; 1 Pi 2.21; 1 Zo 2.6 **2:6** Zo 1.1-2; 5.18; 10.33; 17.5; 2 Ko 4.4; Kor 1.15; Hi 1.3 **2:7** Zo 1.14; 2 Ko 8.9; Ga 4.4; Hi 2.14; 2.17 **2:8** Mt 26.39; 26.42; Zo 10.17-18; Ro 8.3; Hi 5.8; 12.2 **2:9** Zo 17.1-5; FG 2.33; Ef 1.20-21; Hi 1.3-4 **2:10** Mt 28.18; Ro 14.11; VB 5.13 **2:10** Ais 45.23 **2:11** Zo 13.13; FG 2.36; Ro 10.9; 1 Ko 8.6

Nza vhava ŋaara farar muuŋgip kha gumgi gu mbigi rigar kirga.

¹² Nde nan kivntogi guari, nde zazera na buni zin vui. Nde ntigem, vħira mba tivara muuŋri. Nde, gu nden han kim, nde ne suaŋv na buni zin ŋgi thari. Fhuvara. Gu ntigem nde thav saman ki, nde guigira mba buni zin ŋgiri. Fhe Bakime taagia nde ndigi, nde ntigem guigira nen riviv, nde guigira khaŋ tigip havhargip, ana mba fhura nden mbuigi bigin, nde guigira ana ndigiri.

¹³ Nza kaŋgi, Fhe Bakime nde ndavi vherir ŋgari. Ana nduara wo vuzvugi tivir muun zav nden ndavi khavgiap, ana mba tivir muunga ŋkasŋkar nde niinggi.

¹⁴ Nde za mba mbui bigi, nde mbarara kiv, ntan muuŋri. Nde buni vħirve suaŋv, tamtam wari daaŋ thari.

¹⁵⁻¹⁶ Nde maan muunga, nde Fhe Bakimen tari, mbe bigin thuen nde darga fhu. Nde vħira bigin thuen suaŋv simtik kirga fhu. Nde zazera mbara muuŋgiap ki biŋbŋi ndi ndi buni, nde nta suira havhargip, nde kha nuianan ki gumgi gu mbigi rigar vhava ŋaara farar muuŋgip kirga. Mba gumgi gu mbigi, mbe tivir vhuuian mbui tuav, mbe ana thav, mbe tivi mbatigi vħirve ga muuŋgi. Maan muuŋgiap, Krais kha nuianan ki gumgi gu mbigi muuŋgi tivi ga suaŋv mbe suanga tugar, gu guigira nden tivir ndikndigirga. Gu ndikndigip, gu khuen kaŋgirga, gu mba nden rigar ka ŋaara mbatiga

2:12 Sng 2.11; Zo 15.5; 1 Ko 12.6; 15.10; 2 Ko 3.5; Ef 6.5; Fi 1.5; 1 Te 2.13; Hi 13.21; 1 Pi 1.17 **2:14** Lo 32.5; Ais 49.4; Dan 12.3; Mt 5.14-16; 5.45; 10.16; Ro 14.1; 1 Ko 10.10; Ga 2.2; Ef 5.1; 5.8; Fi 1.10; 1 Te 2.19; 3.5; 1 Pi 2.12; 4.9

muunḡi ḡaari gu bigi, gu fhura nta muunḡi fhuvara.

¹⁷ Nde guigira Zisas kothḡi tiv, nde Fhe Bakime nzuav ofa mbui fara muunḡi. Mbe maanḡ muunḡi, na vizin mbe wain farar muunḡip, Fhe Bakime ofa muun sanḡ, ana siv nden ofa ti suarga, gu ne suanḡ ndikndigira kirga. Gu za nde phorgip ndikndigirga.

¹⁸ Mba tivara nde vḡira ndikndigiri. Nde na phorgip guigira ndikndigiri.

Por Timoti ga sararim, ana Firipain ḡḡir za nzuai.

¹⁹ Guma Bakime Zisas vuzvuk ma. Ana vuzvugirga, gu Timoti ga sararim, ana vhemkora nden han mbar ḡḡirga. Ana nden han ḡḡigip, taagi ziv, na suanḡirga, na ndav havhargip, gu ndav mbirarga.

²⁰ Na han ki guma the Timoti fara muunḡi fhuvara. Ana na phorgap ndikndik bavira kav, ana zazera na phorgap nden kurkurarga tuavi ndi gari.

²¹ Mba harigi gumgi, mbe wari wo bigira ndikndigap, mbe guigira Zisas Kraisan ḡaarar muunḡrim, ana ḡḡirgenḡ ndikndigifhuvara.

²² Nde Timotin ḡaarar vhuunḡ gangip, ana kanḡiri. Ana nan kurkurav Zيسان buna vhuuen ḡaara mbui. Ana tar won ndiar kurav, ḡaara mbui fara muunḡiap, nan kurkurigi.

²³ Maanḡ muunḡiap, gu manenḡ rarga khar ki. Ram muunḡi khesharigi bigenḡ nan ḡḡirie? Mba

bigen nan hīgirim, gu kaŋgip, gu mba bigen zumbugum, gu vhemkora ana sararim, ana nden han mbar ŋgirga.

²⁴ Gu khuenj kothigi, Guma Bakime na suavj vhemkora tuav fhigirim, gu nde han mbar ŋgigirga.

Por Epafroditus ndim, Firipain maan zav nzuai.

²⁵ Gu kha ndikndiga mbui, gu Epafroditus ga sararim, ana nden han zirga. Ana guigira nza phorgap Zisas kothigi guma ma. Ana vhira na phorga ŋgari guma ma. Ana vhira nan khurkhum ma. Ana vhira na phorgap ŋka wani tigap mba ntara mbui guma ma. Nde nan kurkura zav, ana sarigim, ana nan han zigi.

²⁶ Ana guigira nde ndikndigap, nde kora mbuav, ana nde gani za mbui. Nde ana riŋi kamenj mbararagi, ana ne nzuav ndav simgi.

²⁷ Ne guigi guarara. Ana fhum riiv, ringir zav muungi. Fhe Bakime ana kora muungiap, ana kurigim, ana taagia nzerigi. Fhe Bakime ara kora mbui fhuvara. Zakira fhuvara! Ana vhira nan kora mbui, ana simtik baki the na vharargane vuzvugi fhu.

²⁸ Maan muungiap, gu guigira ana sararim, ana taagip ziv, nde ganingane vuzvugi. Nde taagi ana ganiv ndikndigirga. Gu maan muungip na ndav simtik vhezirga.

²⁹ Maan muungiap, nde Guma Bakimen zin panan, nde taagip Epafroditus ganiv, anan ndikndigiri. Nde mba khesharigi gumgi, nde zi bakimen mben niŋri.

30 Ana Kraisan n̄aara mbuav kav, ringgir za muun̄gi. Ana nduara won fhava ganiv nzerara kirga nai ndikndigi fhuvara. Zakira fhuvara! Ana nde nan kura muunga n̄aar, nde mba n̄aarar ana niingim, ana mba n̄aarara ndikndigi. Ana mba n̄aara ndikndigap, mba rimrim khigara kav, ana daasuav, mba n̄aara mbui.

3

Guma guigira Krai khot̄igi, ana guigira tivir vhuuiaŋ mbui guma ma.

1 Gu ntigem mpuur bunin nde suan za mbui. Nde na phorgap guigira Zisas khot̄igi gumgi, nde guigira Guma Bakimen ndikndigiri. Gu taagip, kha bunira kheriv, nde ndi maanga, gu nen vhukvhugi fhuvara. Gu kha ndikndiga mbui, kha buni nden kurarga.

2 Nde tivi mbatigi ga mbui gumgi riviri. Mbe ndikndigi vhuuiŋ ki fara muun̄gi fhuvara. Mbe khaŋ tigip havhargiap fhavir farfa zav nzuai. Nde mba khesharigi gumgi riviri. ^a

3 Nzara, nza guigira fooi tiva zin vui. Maan̄ muun̄giap, nza Fhe Bakimen N̄ina N̄aarar n̄kasn̄kar panan, nza Fhe Bakime rotu mbuav, nza guigira Krai Zisas phorgap, nza ne nzuav ndikndigi. Nza

3:1 2 Ko 13.11; Fi 2.18; 4.4 **3:2** Sng 22.16; 22.20; Ro 2.28; 2 Ko 11.13; Ga 5.2; 5.15; VB 22.15 ^a **3:2** Gumgi mbari khaŋ mba gumgi gu mbigi ga nzuai. Mbe guigira Zisas khot̄igi, mbe Isrerin tivi zin ngip, mbe warir foonri. Por mba gumgi nzuai kameŋ, ana guigira ne thagi. Ana maan̄ muun̄giap, ana khaŋ tiga havhargiap khaŋ mba Firipain̄ ga nzuai, “Nde tuitugira wari ganiri.” **3:3** Ro 2.29

kanġi, nza fhura wari wo fhavi nderir mbui bigi, nta thaneġ nzan kurarga tuktiġi fhuvara.

⁴ Nde mbarara. Maan muunġip, guma wo fhava nderar mbui bigi nzan kurkura kake, gu nzerara khar kae. Gu guigira mba wari won fhavir bigi ga mbuav ntan ndikndiġi gumgi, gu guigira mbe kambariġi.

⁵ Nan niamuun na tegim, harathġi ra hiġim, mbe nan foonġi. Gu Isrer guma ma. Gu Benzaminan nziġa mbe ma. Gu vħira won ndia zin vugap, gu guigira Hibru guma ma. Gu Zudain tivi zin vov, gu Fherasi guma ma.

⁶ Gu fhum kha ndikndiġa mbui, gu khaġ tiġa havhargiap, Fhe Bakimen vuzvuga zin vui. Fhuvara. Gu guigira pham muunġi. Gu guigira siosan vhen ki gumgi gu mbigi, gu guigira mben farfagi. Maan muunġip, gumgi mbe Fhe Bakime Moses ga niinġi tivi ga suanv nan tivi ganinga, gu ne suanv simtik thuenġi kegirga fhu.

⁷ Gu fhum ne suanġi, gu fhum wo muunġi bigi rueminga, gu guigira mba harigi gumgi kambaragi. Gu nen muunġen thagi. Gu Kraisa na muunġi bigi, gu nta ndikndiġap, gu mba harigi bigi garim, nta fhura ki bigi ma.

⁸⁻⁹ Gu Zudain bigira nzuai fhuvara. Zakira fhuvara! Gu Kraisa Zisas kanġi, ana na Bakime ma. Gu mba ndikndik gari, ana guigira bigina guar ma. Kha nuianan bigir vhuuin, nta za fhura ki bigi mbatiġi ma. Gu Kraisa zin ngir zav, gu mba harigi

3:4 2 Ko 11.18; 11.21-29 **3:5** Ru 1.59; FG 23.6; 26.5; Ro 11.1; 2 Ko 11.22 **3:6** FG 8.3; 22.4; 26.9-11 **3:7** Mt 13.44-46 **3:8-9** Jer 9.23-24; 1 Ko 2.2; Kor 2.2 **3:8-9** Ro 3.21-22; 9.30; 10.3-6; Ga 2.16

bigi, gu nta thagi. Gu nta thav, gu Kraistra suira havhargip, ara phorgirga. Gu kha ndikndiga mbui fhu. Gu Fhe Bakime Moses ga niingi tivi zin ngip, tivir vhuuijan mbui guma kirga. Zakira fhuvara! Gu harigi tuavra gu tivir vhuuijan mbui guma kir za mbui. Mba tuav khare, gu Krai kthothigirga. Nza Krai kthothigim, Fhe Bakime ana nduara tivir vhuuijan mbui gumgi gu mbigir nzan kaai.

10-11 Gu guigira Krai kanjir za mbui. Krai, ana rimgiap taagia khavgiav, ana guigira nkasnka bakime kim, gu mba nkasnka bakime kanjir za mbui. Gu khurkhuman ana khuuav mba za ndir za mbui. Gu ana mba ndikndik suirav rimgi, gu mba ndikndigara suigir za mbui. Gu vhira maan muungira, gu vhira rimgip taagi khavgirga.

Por khan tigap havhargiap khuafuav Fhe Bakime tigi thaan vui.

12 Gu khuenj ndikndigi fhu, gu za Kraisan tivi ndigap, gu guigira tivir vhuuijan mbui guma ki. Zakira fhuvara! Gu zazera khan tigap ngarav, Krai Zis muunji tivi, gu nta suira havhargip, Krai Zis na suira havhargi farar muunji za mbui.

13 Nde na phorgap guigira Zis kthothigi gumgi, gu ndikndigi, gu za mba tiva ndigi fhuvara. Gu ndikndik bavira mbui. Gu mba fhum muunji tivi, gu za nta ndikndik nangip, gu khan tigip mba zumgum ndirga bigi ga suanjv ngarirga.

3:10-11 Ro 6.3-5; 8.17; 2 Ko 4.10-11; Ga 6.17; 2 T 2.11-12; 1 Pi 4.13
3:10-11 Ru 14.14; FG 4.2; 1 Te 4.16; VB 20.5-6 **3:12** FG 9.5-6; 1 T 6.12; 6.19; Hi 12.23 **3:13** 1 Ko 9.24-26; 2 Ko 5.16; Hi 6.1

14 Gu khan tıgap mba than hıgır zav khua-fui. Gu ngıp, mba than hıgıp, nen vheza ndirga. Mba vhez khan muunđi, Kraıs Zisas muunđi njaarar panan, Fhe Bakıme nan kamgim, gu ana han ndav, guigira nzerara kırğa.

15 Nzan ndıkndıgi maan muunđip, ndıkndıgi vhuun ki gumgir ndıkndıgi farar muunđirga, nza zam gu ntıge khar nzuai ndıkndıgi, nza nta zın ngırğa. Nde maan muunđip harıgi ndıkndıgi kırğa, Fhe Bakıme nden kurav, nde ndıkndıgi ndıv thıgar maanga.

16 Nza tıvir vhuun ki, nza mba tıvir vhuun, nza nta suira havhargiri.

17 Nde na phorgap guigira Zisas khotıgi gumgi, nde za nan tıva zın ngırı. Nde nan tıva zın ngıp, nde mba nzan tıvi zın vui gumgi, nde mben tıvi ganırı.

18 Gu guigira khuen kora muunđi, mbe gumgir vırve, mbe panan Zisas rimgi khanararen ga kegi. Gu tugi vırvera mbe mbui tıvi bun nde suanđi. Gu ntıgem, wom taagia ne bun nde nzuaim, na thee phara koskoga thıvi.

19 Mbe won vuzvugi zın vuim, mba vuzvugi mben mbarıvi gu tori zın vui fara muunđi. Mbe zazera kha nuiana bigira ndıkndıgap, mbe zazera mbarkırğa mberi tıvi, mbe ntan muun zav ndıkndıgi. Mba khesarigi gumgi, mbe Herar ngegıp mbatıgıp fırgı regırğa.

20 Nza, nza Heven gumgi gu mbıgi ma. Nza

3:14 1 Ko 9.24; 2 T 4.7-8; Hı 3.1; 12.1 **3:15** 1 Ko 2.6; 14.20; Ga 5.10 **3:16** Ro 12.16; 15.5; Ga 6.16 **3:17** 1 Ko 4.16; 11.1; Fı 4.9; 1 Te 1.6-7; 1 Pı 5.3 **3:18** 1 Ko 1.23; Ga 1.7; 2.21; 6.12; Fı 1.15-16 **3:19** Ro 8.5-6; 16.18; 2 Ko 11.12; 11.15; 2 Pı 2.1 **3:20** Ef 2.6; 2.19; 1 Te 1.10

Guma Bakime Zisas Kraisan rargi, ana Hevenan kegip, taagi zirip, nza ndirga.

²¹ Anan nkasnkara, Krai za kha bigir muungirim, nta za ana piin kirga. Mba nkasnkara, ana kha mbarkirga simtigar nza ndii fhavi, ana ntan muungirim, nta harigi khesharav guigira nzerav, ara farar muungirga.

4

Nza zam ndava bavira kiv, ndikndigip ndikndigi vhuuñ ndiri.

¹ Maan muungiap, nde na phorgap guigira Zisas khotigi gumgi, gu nde nzuai. Nde Guma Bakime khotigip thigi havhargiri. Gu won ndavar nde niingiap, guigira nden kora muungi. Nde gu ndirga vhezav vhuuñ guara fara muungiap ki. Gu nde nzuav ndikndiga mbatiga mbui.

² Nko Uodia gu Sintike, nko Guma Bakimen mbi-gani ma. Maan muungiap, nko wani tigip ndava bavira kiri.

³ Ndu na phorga ngari guma guar ma. Gu ndu nzuai, ndu kha mbiganin kurari. Mani khurkhuma vhuuni na khuuav, nza njaara mbatiga mbuav Zيسان buna vhuuñ bun nzuai. Kremen gum na phorga ngari gumgi mbari, mbe vhira nza phorga ngari. Mba ngari ntiri, mben ziri, za zazera mbara muungiap ki biñbññ ndi gumgi ziri ki gavar ki.

⁴ Nde zazera Guma Bakimen ndikndigiri. Gu wom nen nde nzuai, nde ana ndikndigiri.

3:21 Ro 8.29; 1 Ko 15.28; 15.43-53; Ef 1.19; Kor 3.4 **4:1** 1 Te 2.19-20 **4:3** Sng 69.28; Ru 10.20; VB 3.5; 20.12 **4:4** Ro 12.12; Fi 3.1; 1 Te 5.16; 1 Pi 4.13

⁵ Nde mbarara za mba gumgi ga suany fhuura mbe ganirim, mbe nden tivir vhuuinj ganiri. Nde ndikndigi, Guma Bakime taagi zirirga tuk han mbarigi.

⁶ Nde bigin the ndikndigip simi thari. Fhuvara. Nde zazera wari won simtigi bun Fhe Bakime phorgip suanri. Nde zazera Fhe Bakime phorgip suany, ana ndikndigip, warir kurkura sanj ana nzanri.

⁷ Nde maanj muunga, Fhe Bakime nden muungirim, nde ndavi mbarav kirga. Fhe Bakime nza ndii ndava mitik, ana guigira bigina vhuun ma. Nza gumgi, nza ana ninge kangirga tuktigi fhuvara. Mba tiv, nde guigira Krai Zisas phorgip kiv, nden ndavi gum ndikndigi guigira nzerara kirga.

⁸ Nde na phorgap guigira Zisas kothigi gumgi, gu wom buna muen suan za mbui. Nde zazera kha tivira ndikndigiri, tivi guarira ndikndigip, gumgi mbui tivir vhuuianj ndikndigip, ngarigi tivi, guigira nzerigi bigi, za mba tivi kharav fharigi tivi, bigir vhuuinja nza gumgi gari mbe mbui tivi nza ntan ndikndigi, nde za mba tivira ndikndigiri.

⁹ Gu nde muunga tivi, gu ntan nde khivigi, nde tuituigiap nta kangi. Nde vhira muunga tivi, gu nta bun nde nzuaim, nde nta mbararagi. Gu ntan nde nzuav, gu vhira nde zazera muunga tivi, gu nta mbuim, nde nta gangi. Nde mba tivira muunri. Nde maanj muunga Fhe Bakime, ana ndava mitiga

4:5 Hi 10.25; 10.37; Ze 5.8-9; 1 Pi 4.7; 2 Pi 3.8 **4:6** Snd 16.3; Mt 6.25-34; Ru 12.22-31; Kor 4.2; 1 Pi 5.7 **4:7** Ais 26.3; Zo 14.27; Ro 5.1; Kor 3.15 **4:8** Ro 12.17 **4:9** Ro 16.20; 1 Ko 14.33; Fi 3.17; 1 Te 5.23; Hi 13.20

niiŋge ma. Ana nde phorgip kirga.

Por Firipainj fhura ana kurkurav bigir ana ndi mbarigim, ana ntan ndikndigi.

¹⁰ Nde ntigem wom nan ndikndik khavav, nan kurigim, gu guigira Guma Bakimen ndikndigi. Khuenj guigi guarara, nde fhum nan kurkurar zav ndikndigap ki. Mba tugen, nde nan kurkurarga tuav ki fhu.

¹¹ Gu bigi ga sosuagiap khan muungia tiga nzuai fhuvara. Zakira fhuvara! Gu ndava mitiga ndi tuav, gu ana kanji. Maan muungip, ram muungji ndikndik nan hirga, gu nai suanj siminga tuktiigi fhu.

¹² Gu maan muungip bigi sosuagi o, gu bigi vhirve ki o, gu fhura ndav mbirav ki. Gu fhura ndav mbirav ki tiv, gu ana kanji. Gu maan muungip mba vhirve ki o, gu thina rii, gu bigi vhirve ki o, gu bigi sosuagi. Mba khesharigi tivi zazera nan hi, gu ndav mbiravra kav nan ndavar vhee nzerara ki.

¹³ Krais nan havhargim, gu ana havharar panan, gu za kha bigi ga mbui.

¹⁴ Gu khan nzuai, nde nan kurkurav na muungji bigi, nta nzerigi. Ne khan muungji, nde na khu-uav gu ndi simtigi ndirgane ndikndigap, nde nan kurkurav, mba tivar vhuun na muungji.

¹⁵ Nde Firipain guigira Zisas kothigi gumgi, nde nduarira khuenj kanji. Gu fharav Zisas buna vhuuen bun nzuai njaara khavgiap, gu Masedonia ngu bakime fhainj thav, khavgiap zim, harigi sios

the khurkhuman na khuuav fhura ŋkɪiɪa gu bigin nan kurigi fhuvara. Zakira fhuvara! Nde nduarira mba tivar na muungi.

¹⁶ Gu Tesaronaika ŋgu bakimen kim, nde tugi vhirvera nan kurkuragi.

¹⁷ Nde khuen ndikndigi thari, gu fhura won kurkurar zav bigir nden nzai. Zakira fhuvara! Gu khuen vuzvugi, nden tivir vhuuin khan tigip havhargip nden kiv, hirma, Fhe Bakime tivar vhuun nden muunga.

¹⁸ Gu bigin muen vhunama sir za mbui. Nde khuen na ndikndigirga, nde na han bigi thari mbikthigi thi? Gu ntigem kha buni kherav, gu nain nde hiiv, khan nde nzuai. Gu mba nde na han mbikthigi bigi, gu zam nta ndigi. Nde mba na ndi mbarigi bigi, nta zam nde mba nan han mbikthigi bigi kambarigi. Epafroditus mba bigi ndiga zav na niingim, gu nta ndigap, gu kha ndikndiga mbui, gu guigira bigi vhirkivgi. Nde mba fhura na niingi bigi, nta ndiga vhuun hi ofa fara muungim, nde ntan Fhe Bakime ndii. Fhe Bakime mba khesarigi ofa, ana guigira ana ndirgen ndikndigi.

¹⁹ Na Fhe Bakime, za mbarkirga bigir vhuuin Krai Zisasan gumgi gu mbigi, ana Zisasan panan ntan nzan niinga. Maan muungiap, nde mba so-suagi bigi, ana za ntan nden niingirim, nde za bigi tuktigirga.

²⁰ Fhe Bakime, ana nzan Ndia ma. Nza zazera ana zi ndiv vun kuamkuarga Nai guigi guarara.

Por raar vhuun Firipain ga ndii.

²¹ Gu Krai Zisasan gumgi gu mbigi, gu za raar vhuun mbe ndi. Nza phorgap guigira Zisas kothigi gumgi, mbe nan han ki, mbe vhira wari won raar vhuun nde ndi.

²² Kham, Fhe Bakime kothigi gumgi gu mbigi, mbe zam wari won raar vhuun nde ndi. Mba Sisar phena bakime ngari ntiri, mbe khan tiga havhargiap na nzuaim, gu raar vhuun nde ndi.

²³ Guma Bakime Zisas Kraisan kora muumbar nde phorgi kiri.

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468